



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

X. Pauperes & miseros pœnitentes protegit à calumnijs maleuolorum.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

tes beatam spem, & aduentum gloria magni Dei, & saluatoris nostri Iesu Christi: qui dedit semetipsum pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum. Hac loquere, exhortare, & arguere omni imperio: nemo te contemnat. Ibidem. 3. 4. 5. 6. 7. 8. Cum autem benignitas & humanitas apparuit saluatoris nostri Dei, non ex operibus iustitiæ que fecimus nos: sed secundum suam misericordiam saluos nos fecit per lauacrum regenerationis, & renouationis Spiritus sancti, quem effudit in nos abunde per Iesum Christum saluatorem nostrum: ut iustificati gratia ipsius, heredes simus secundum spem uitæ æternæ. Fidelis sermo est, & de his volo te confirmare: ut curent bonis operibus præesse qui credunt Deo.

CAPVT X.

Pauperes, & miseros penitentes protegit de alumnis maleuolorum.

FIGVRA. Dauid liberat oues ex faucibus leonum & ursorum. 1. Reg. 17. 34. 35. 36. Dixit q̄, Dauid ad Saul: pascebat seruus tuus patris sui gregem, & ueniebat leo, vel ursus, & tollebat uitam de medio gregis, & persequabar eos, & percutiebam, eruebamq̄ de ore eorum: & illi consurgebam aduersum me, & apprehendebam mentum eorum, & suffocabam, interficiebamq̄ eos. Nam & leonem, & ursum interfeci ego seruus tuus: erit igitur & Philisteus hic incircumcisus, quasi unus ex eis. Numquid uadam, & auferam opprobrium populi: quoniam

quis est iste Philisthaus incircumcisu, qui ausus est
maledicere exercitui Dei viventis?

PROPHETIAE. Psalm. 71. 2. 3. 4. Deus
iudicium tuum regi da; & iustitiam tuam filio regis:
iudicare populum tuum in iustitia, & pauperes tuos
in iudicio. Suscipiant montes pacem populo, & colles
iustitiam. Iudicabit pauperes populi, & saluos
faciet filios pauperum: & humiliabit calumniatores
Vers. 12. 13. 14. Quia liberabit pauperem a potente:
& pauperem cui non erit adiutor. Parcet pauperi
& inopi: & animas pauperum saluas faciet. Ex usu-
ris & iniquitate redimet animas eorum, & honora-
bile nomen eorum coram illo. Isai. 11. 2. 3. 4. vt fol.
69.

VERITAS. Matth. 9. 10. 11. 12. 13. 14. 15.
16. 17. Et factum est discumbente eo in domo, ecce
multi publicani & peccatores venientes discumbe-
bant cum Iesu & discipulis eius: & videntes pharisei
dicebant discipulis eius. Quare cum publicanis & pec-
catoribus maducat magister vester? At Iesus audiens,
ait: non est opus valentibus medicus, sed male habenti-
bus. Euntes autem discite quid est, misericordiam
volo, & non sacrificium: non enim veni vocare iustos,
sed peccatores. Tunc accesserunt ad eum discipuli Ioa-
hannis dicentes: quare nos & pharisei ieiunamus fre-
quenter, discipuli autem tui non ieiunant? Et ait illis
Iesus: nunquid possunt filii sponsi lugere, quam diu cum
illis est sponsus? venient autem dies cum auferetur ab
eis sponsus, & tunc ieiunabunt. Nemo autem mittit com-
missuram a panni rudis in vestimentum vetus: tollit enim ple-
nitudo

nitudinem eius à vestimento, & peior scissura fit. Neq̃
 mittūt vinū nouū in vtres veteres, alioquin rumpuntur
 vtres, & vinum effunditur, & vtres pereunt: sed
 vinum nouum in vtres novos mittunt, & ambo
 conseruantur. Ibidem cap. 12. 1. 2. 3. 4. 5. 6. 7.
 In illo tempore abiit Iesus per sata sabbato: discipuli
 autem eius esurientes cœperunt vellere spicas, & mā
 dicare; pharisæi autem videntes dixerunt ei: ecce
 discipuli tui faciunt quod non licet facere sabbatis.
 At ille dixit eis: non legistis quid fecerit Dauid,
 quando esuriit, & qui cum eo erant: quomodo intra-
 uit in domum Dei, & panes propositionis comedit,
 quos non licbat ei edere, neq̃ his qui cum ei-
 rant, nisi solis sacerdotibus? Aut non legistis
 in lege, quia sabbatis sacerdotes in templo sab-
 batum violant, & sine crimine sunt? Dico autem
 vobis quia templo maior est hic: si autem sciretis
 quid est: misericordiam volo & non sacrificium,
 nunquam condemnassetis innocentes. Capit. 15. 1. 2.
 3. 4. 5. 6. 7. 8. 9. Tunc accesserunt ad eum ab Ierusa-
 solymis scribae, & pharisæi, dicentes: quare discipuli
 tui transgrediuntur traditionem seniorum? non enim
 lauant manus cum panem manducant. Iesus
 autem respondens ait illis: quare & vos transgredi-
 mini mandatum Dei propter traditionem vestram?
 nam Deus dixit: honora patrem & matrem, & qui
 maledixerit patri vel matri, morte moriatur. Vos
 autem dicitis: quicumq̃ dixerit patri, vel matri, ma-
 nus quodcumq̃ est ex me, tibi proderit: & non hono-
 rificabit patrem suum, aut matrem suam: & tunc

sum fecistis mandatum Dei propter traditionem vestram. Hypocrita benè prophetavit de vobis Isaias, dicens: populus hic labijs me honorat, cor autem eorum longe est à me. Sine causa autem colunt me, docentes doctrinas, & mandata hominum. Similia Marc. 2. 16. 17. 18. 19. 20. 21. 22. quærantur fol. 232. Et conueniunt cum illis quæ ex Matthæi capite 9. posita sunt. Vers. 23. 24. 25. 26. Cum his quæ ex capite. 12. Matth. citata, & ex capite 7. Marc. vers. 1. 2. 3. 4. 5. 6. 7. 8. 9. 10. quæ ex capite 15. Matt. citata. fol. 244. Luc. 5. 29. 30. 31. 32. 33. 34. 35. 36. 37. 38. 39. Et fecit ei (scilicet Christo) conuiuium magnum Leui in domo sua. Reliqua conueniunt cum Matth. 9. vt supra. Idem. D. Lucas capit. 6. 1. 2. 3. 4. 5. Factum est autem in sabbato secundo, primo, cum transfirer per sata, vellebant discipuli eius spicas. &c. vt ex capite Matth. 12. fol. 244. Cap. 7. 36. 37. 38. 39. 40. 41. 42. 43. 44. 45. 46. 47. 48. 49. 50. Rogabat autem illum quidam de phariseis vt manducaret cum illo. Et ingressus domum pharisei discubuit. Et ecce mulier, quæ erat in ciuitate peccatrix, vt cognouit quod accubisset in domo pharisei, attulit alabastrum unguenti: & stans retro secus pedes eius lachrymis cœpit rigare pedes eius, & capillis capitis sui tergebat, & osculabatur pedes eius, & unguento ungebat. Videns autem phariseus qui vocauerat eum, ait intra se dicens: hic si esset propheta sciret vtiq; quæ, & qualis est mulier, quæ tangit eum, quia peccatrix est, Et respondens Iesus, dixit ad il-

lam; Simon, habeo tibi aliquid dicere. At ille dicit magister, dic. Duo debitores erant cuidam scenerari: unus debebat denarios quingentos, & alius quinquaginta. Non habentibus illis unde redderent, donavit utrisque. Quis ergo eum plus diligit? Respondens Simon, dixit: aestimo quia is, cui plus donavit. At ille dixit ei: recte iudicasti. Et conuersus ad mulierem, dixit Simoni: vides hanc mulierem? Intraui in domum tuam, aquam pedibus meis non disti: hac autem lachrymis rigauit pedes meos, & capillis suis terxit. Osculum mihi non dedisti: haec autem ex quo intrauit non cessauit osculari pedes meos. Oleo caput meum non unxisti: haec autem unguento unxit pedes meos. Propter quod dico tibi: remittuntur ei peccata multa, quoniam dilexit meum. Cui autem minus dimittitur, minus diligit. Dixit autem ad illam: remittuntur tibi peccata. Et coeperunt qui simul accumbebant dicere intra se: quis est hic, qui etiam peccata dimittit? Dixit autem ad mulierem: fides tua te saluam fecit, crede in pace. Capit. 19. 1. 2. 3. 4. 5. 6. 7. 8. 9. 10. Et ingressus perambulabat Iericho. Et ecce vir nomine Zachaeus: & hic princeps erat publicanorum, & ipse diues; & querebat videre Iesum, quis esset, & non poterat praeter turba, quia statura pusillus erat. Et praecurrens ascendit in arborem sycomotorum, & videret eum, quia inde erat transiturus. Et cum venisset ad locum, suspiciens Iesus vidit illum, & dixit ad eum: Zachae festinans descende, quia hodie in domo tua oportet me manere. Et festinans descendit.

descendit, & excepit illum gaudens. Et cum viderent omnes, murmurabant, dicentes quod ad hominem peccatorem diuertisset. Stans autem Zachaeus dixit ad Dominum: ecce dimidium bonorum meorum, Domine, do pauperibus, & si quid aliquem defraudavi, reddo quadruplum. Ait Iesus ad eum: quia hodie salus domui huic facta est, eo quod & ipse filius sit Abrahae. Venit enim Filius hominis querere & saluum facere quod perierat.

CAPVT XI.

Christus reputat sibi fieri quod Christianis fit.

FIGURAE. I. Murmur contra Moysen est murmur contra Dominum. Exod. 16. 6. 7. Dixeruntque Moyses & Aaron ad omnes filios Israël: vesperi scietis quod Dominus eduxerit vos de terra Aegypti: & manè videbitis gloriam Domini: audiuit enim murmur vestrum contra Dominum: nos vero quid sumus, quia muscitatis contra nos?

2. Deus se abiectum dicit cum abiecerunt filij Israël Samuëlem. 1. Reg. 8. 6. 7. 8. Displicuit sermo in oculis Samuëlis, eo quod dixissent: da nobis regem, ut iudicet nos. Et orauit Samuël ad Dominum. Dixit autem Dominus ad Samuëlem. Audi vocem populi in omnibus quae loquuntur tibi; non enim te abiecerunt, sed me, ne regnem super eos. Iuxta omnia opera sua, quae fecerunt à die qua eduxi eos de Aegypto usque ad diem hanc: sicut dereliquerunt me, & seruerunt dijs alienis, sic faciunt etiam tibi.

PRO.